

FINANSIJSKI IZVJEŠTAJ STBIH

ZA MANDATNI PERIOD 2021. - 2025.

STBIH

Sarajevo
17–18. 10.
2025.



Sindikata radnika
trgovine i uslužnih
djelatnosti BiH

www.stbih.ba

**Povećanje
minimalne plate**
2025. godina

**Zabrana rada
nedeljom i praznicima**
2024. godina

**Povećanje
satnice**
2023. godina

Granski

kollektivni ugovor

U skladu sa članom 45. Statuta Sindikata radnika trgovine i uslužnih djelatnosti, Odbor za reviziju je na kraju svake kalendarske godine izvršio kontrolu finansijskog poslovanja STBiH, sačinio izvještaj koji je usvojen od strane Upravnog odbora STBiH.


Veoma je važno istaći da je poslovanje STBiH, prije svega, u zakonskim okvirima te da su sredstva utrošena „domaćinski“ što pokazuju pojedinačni/godišnji finansijski izvještaji.

PRIHODI OD ČLANARINE

Tokom analiziranog četverogodišnjeg perioda, prihodi od članarine su ostali stabilni, bez značajnih oscilacija, što ukazuje na dosljedno poslovanje i zadržano povjerenje članova.

Najviši iznos prihoda zabilježen je u 2022. godini i iznosio je 70.549 BAM. U 2023. godini došlo je do blagog pada, ali bez narušavanja ukupne stabilnosti poslovanja. Već u 2024. godini vidljiv je ponovni rast prihoda, što dodatno potvrđuje održivost finansijskog modela i nastavak povjerenja članova u usluge STBiH.

Uzimajući u obzir da tokom cijelog perioda nije bilo većih odstupanja, može se zaključiti da prihodi od članarina pokazuju stabilan kontinuitet, što predstavlja čvrstu osnovu za daljnje planiranje i razvoj aktivnosti u narednim godinama.



FINANSIJSKI REZULTAT I RASPODJELA SREDSTAVA

STBiH je ostvario pozitivan finansijski rezultat u 2021. i 2022. godini, s viškovima prihoda nad rashodima od 971 BAM, odnosno 3.892 BAM. Ovi rezultati odraz su stabilnog poslovanja i racionalnog upravljanja raspoloživim sredstvima tokom tog perioda.

Međutim, u 2023. i 2024. godini ostvaren je negativan finansijski rezultat, sa viškovima rashoda nad prihodima od -14.273 BAM i -18.095 BAM. Ovi viškovi rashoda nad prihodima nisu posljedica pada prihoda ili vanrednih troškova, već planskog ulaganja značajnih sredstava u proces zagovaranja donošenja Zakona o unutrašnjoj trgovini Federacije BiH – strateškog cilja koji je postavljen kao prioritet organizacije.

Zakon je konačno usvojen 2024. godine, čime je ostvaren jedan od najvažnijih ciljeva u proteklom periodu. Ovaj uspjeh predstavlja rezultat dugotrajnog i resursno zahtjevnog angažmana, koji je sproveden u interesu svih članova.

U pomenute aktivnosti korišteni su akumulirani finansijski viškovi iz ranijih perioda, u ukupnom iznosu od 27.505 BAM. Sredstva su utrošena planski, uz transparentno praćenje i u skladu s odlukama upravljačkih tijela, čime je potvrđena posvećenost organizacije odgovornom i strateški usmjerenom radu u interesu članstva.

PODRŠKA ČLANOVIMA I SINDIKALNIM ORGANIZACIJAMA

U periodu od 2021. do 2024. godine, STBiH je kontinuirano pružao finansijsku podršku članovima i sindikalnim organizacijama, u skladu sa svojim ciljevima solidarnosti i međusobne pomoći.

Iznosi isplaćene pomoći po godinama bili su sljedeći:

- **2021:** 5.428 BAM
- **2022:** 12.530 BAM
- **2023:** 6.692,50 BAM
- **2024:** 7.020 BAM

Ukupno je u ovom četverogodišnjem periodu isplaćeno **31.670,50 BAM** pomoći. Ova sredstva predstavljaju konkretan izraz solidarnosti, usmjerena ka rješavanju hitnih potreba članova i jačanju kapaciteta sindikalnih organizacija. Politika podrške nastavlja se i dalje, u skladu s mogućnostima i potrebama na terenu.

PROMJENE U NAČINU FINANSIRANJA OPERATIVNIH TROŠKOVA

STBiH već dugi niz godina osigurava finansiranje svojih operativnih troškova, ali i mnogih projektnih aktivnosti, putem podrške donatora **HK i NORGE**, posredstvom partnerske nevladine organizacije. Ta saradnja je bila dugotrajna i stabilna, međutim, navedena nevladina organizacija je krajem **2022. godine prestala sa radom**.

Nakon njenog zatvaranja, pokrenuta je procedura za **otvaranje predstavništva donatora HK i NORGE u Bosni i Hercegovini**, koja je trajala nešto duže od očekivanog. U međuvremenu, tokom **čitave 2023. godine**, cjelokupno finansiranje operativnih troškova STBiH kao i projektnih aktivnosti realizovano je **direktno preko računa STBiH**.

Zbog ove promjene u mehanizmu protoka sredstava, došlo je do **značajnog povećanja ukupnih prihoda i rashoda u 2023. godini**, iako se suštinski rad STBiH i obim aktivnosti nisu značajno mijenjali. Ova promjena je isključivo tehničke prirode i ne odražava realni rast finansijske aktivnosti, već novu strukturu protoka sredstava uslovljenu administrativnim okolnostima.

Takođe, **troškovi operativnog poslovanja su bili nešto viši** u odnosu na prethodni period, jer je **ranija nevladina organizacija, kao nerezident, imala određene poreske pogodnosti pri isplati plata**, koje više nisu bile primjenjive kada je isplate preuzela sama organizacija. Ova razlika dodatno je uticala na uvećanje rashoda u 2023. godini, te dijelom uticala i na višak rashoda nad prihodima.

STANJE TEKUĆIH SREDSTAVA KRAJEM 2024. GODINE

Na dan **31.12.2024. godine**, ukupna **tekuća sredstva** organizacije iznosila su **209.408 BAM**, što potvrđuje da **STBiH** i dalje održava **stabilnu finansijsku poziciju**, uprkos negativnim finansijskim rezultatima zabilježenim u 2023. i 2024. godini.

Očuvanje ovog nivoa sredstava prvenstveno je rezultat **odgovornog i strateški usmjerenog upravljanja tokom prethodnih godina**, uključujući **akumulirani višak iz perioda 2017–2020**, koji je korišten ciljano, transparentno i u skladu sa prioritetima članstva.

Dostupna sredstva omogućavaju **nesmetano funkcionisanje organizacije**, kao i **pokretanje novih aktivnosti i planiranje razvoja** u narednom mandatnom periodu. U tom kontekstu, finansijska rezerva predstavlja **važan oslonac za dugoročnu održivost**, a istovremeno i prostor za proaktivno djelovanje u ostvarivanju strateških ciljeva organizacije.

Sastavni dio ovog izvještaju su godišnji izvještaji Odbora za reviziju.

Odbor za reviziju predlaže Kongresu STBiH da usvoji finansijski izvještaj STBiH za mandatni period 2021/2025.

Opis	2021	2022	2023	2024	ZBIR
PRIHODI					
Članarina	69.172,31	70.549,13	69.725,83	69.883,28	279.330,55
Donacija	112.784,97	142.954,30	499.911,34	155.688,17	911.338,78
Prihod od kamate	5,53	5,15	9,42	13,13	33,23
Ostali prihodi	0,00	0,00	15.629,60	0,03	15.629,63
Ukupni prihodi	181.962,81	213.508,58	585.276,19	225.584,61	1.206.332,19
RASHODI					
Amortizacija	7.185,15	7.185,15	6.649,42	5.360,52	26.380,24
Materijal	16.423,95	13.288,00	26.449,32	19.682,06	75.843,33
Usluge	14.563,50	42.440,72	236.751,86	42.998,78	336.754,86
Plate i ugovori o djelu	14.589,18	15.381,26	106.923,08	160.879,70	297.773,22
Putni troškovi	362,01	964,02	8.820,00	50,00	10.196,03
Humanitarni rashodi	22.546,04	15.210,00	25.725,36	14.481,00	77.962,40
Ostali rashodi	101.426,95	111.577,78	183.010,64	227,47	396.242,84
Poseban porez	76,56	70,84	1.855,02	0,00	2.002,42
Članarine UNI	3.019,46	3.330,69	3.364,57	0,00	9.714,72
Kamata	798,53	168,52	0,00	0,00	967,05
Ukupni rashodi	180.991,33	209.616,98	599.549,27	243.679,53	1.233.837,11
Prihodi	181.962,81	213.508,58	585.276,19	225.584,61	1.206.332,19
Rashodi	180.991,33	209.616,98	599.549,27	243.679,53	1.233.837,11
Višak Prihoda	971,48	3.891,60	/	/	4.863,08
Višak Rashoda	/	/	14.273,08	18.094,92	32.368,00
Bilans stanja:					
Stalna sredstva	38.059,09	30.873,94	25.961,97	20.601,45	
Tekuća sredstva	229.675,00	231.503,09	222.141,98	209.407,58	
Ukupna aktiva	267.734,09	262.377,03	248.103,95	230.009,03	
Trajni izvori (višak prihoda)	258.485,43	262.377,03	248.103,95	230.009,03	
Obaveze	9.248,66	0,00	0,00	0,00	
Ukupna pasiva	267.734,09	262.377,03	248.103,95	230.009,03	

Pašić Halid, Predsjednik Odbora za reviziju

